

Жамбыл облысы әкімдігінің білім басқармасы ауданының білім
бөлімінің «Аягүл» бөбекжай-балабақшасы МКҚК

Менің елім, мәңгілік ел

Тәрбиеші : Мамбетова Н. А.



Тақырыбы: Менің елім мәңгілік ел

Мақсаты: Қазақстан Республикасының тұңғыш президенті Н. Ә.

Назарбаевтың халыққа арналған жаңа жолдауымен таныстыру. Жолдауда қойылған мақсаттарды түсіндіру арқылы, өз елі мен жерін мақтаныш етуге, өткен тарихын біле отырып, отансүйгіштікке, ұлтжандылыққа тәрбиелеу.

Көрнекіліктер: - суреттер, кітаптар көрмесі, қазақ елі суреттері, Қазақстан Республикасының рәміздері: Туы, Елтаңбасы, Гимні, нақыл сөздер, Қазақстан туралы әндер.

Қолданылатын әдіс - тәсілдер: Сұрақ - жауап, әңгімелеу, талдау, түсіндіру.

I-Кіріспе

Достық шеңбері.

Сәлеметсіздер ме балалар! Сендерді көргеніме өте қуаныштымын. (шеңбер құрып, қол ұстасып тұрайық).

Балалар, бір – біріңе қарандар... Жымыңдар... сендердің жылы жүздерін мына сынып ішін жарқыратып жіберді. Қолдарыңды түсіріңдер... «Көңілді күлкінді сыйла» жаттығуын орындаймыз. Мен бетімнен көңілді күлкімді «шешіп» (бетіне қолыңды тигізіп, күлкін «шешеді») көршіме сыйлаймын. Балалар маған жымып, күлкісін «шешіп» келесі балаға жібереді.

Міне біз бір – бірімізге жылы жүзбен, ақ көңілмен, қуанышпен қарадық.

Менің балаларым көңілді, өзара тату-тәтті жүргендері қандай керемет!

II- Негізгі бөлім

- Біз қандай мемлекетте тұрамыз?

- Қазақстан.

- ҚР-ның халқы қай тілде сөйлеу керек?

- ҚР –ның халқы қазақ тілінде сөйлеу керек.

- Біздің мемлекетті кім басқарады, тұңғыш президентіміз кім?

- Президент, Нұрсұлтан Әбішұлы Назарбаев.

-**Қазір Қасым Жомарт Тоқаев**

Балалар тұңғыш президентіміздің Қазақстан, жолдау, президент сөздері жазылған парақшаларды алып, әңгімелеу

Қазақстан туралы не білеміз?

- Мен Қазақстанда тұрамын. Мен Қазақстанда білім алып жатырмын. Мен еліммен мақтанамын. Елімнің гүлдене бергенін қалаймын.

Қазақ халқы туралы не білеміз?

Міне, балалар біздер елімізбен мақтанамыз. Бұл еркіндік онайлықпен келген жок. Қазақ елі еркіндікке жету үшін қаншама қиын-қыстау кезеңдерді бастан кешірді. Мындаған жылдық тарихы бар. Қазақстан тәуелсіздік алды.

Елбасымыз биылғы дәстүрлі «Қазақстан жолы - 2050: бір мақсат, бір мүдде, бір болашақ» атты жолдауында жарқын болашаққа айқара жол ашты. Ондағы ең өзекті мәселенің бірі, бірегей қазақ тілімен 2025 жылы латын әліпбиіне көшу жайы көпшілікті ерекше қуанышқа бөледі. Тәуелсіз ұлт болудың ежелгі шарттары: өзіне тән тілі, сенетін діні, салт - дәстүрі, жазуы, басқа ерекшеліктері болу.

Енді Жолдауда айтылған өркениетті дамыған 30 елдің қатарына жету бағыт -

бағдарына ілесу, үлес қосу ісі тұр алдымызда. Латын қарпіне көшу сол өркениет шыңында тұрған 30 елге жақындастыра түсіп, олармен қоян - қолтық бәсекелесуге жаңа негіз қалайды. Өскелең ұрпақ үшін тіптен тиімді. «Ұлт денсаулығы - біздің табысты болашағымыздың негізі» тарауында Қазақстан халқының денсаулығын сақтау, балаларымыздың денсаулығын қамтамасыз ету ісіне жаңа тәсілдер енгізу мәселесі, ауылдағы медициналық қызметтердің сапасын арттыру көзделген. Бұл Жолдаудың іске асырылуы - Қазақстан Республикасын әлемнің дамыған мемлекеттерінің қатарына шығаратыны сөзсіз.

«Бір халық» – бұл барлығымыз үшін ортақ ұлттық мүдделер,

«Бір ел», бұл – барлығымыз үшін ортақ Отан.

«Бір тағдыр», бұл – біз бірге жүріп өткен қиындықтар мен жеңістер!

Міне, қоғамдық келісімді шайқалтпай ұстап тұратын табаны таудай үш таған.

Қоғамдық келісімсіз мемлекет бір адым да ілгері жылжи алмайды.

Елбасымыздың биылғы жолдауында алдымен мемлекетіміздің, ұлттық экономикамыздың, азаматтық қоғамымыздың, қоғамдық келісіміміздің, өңірлік көшбасшылығымыз бен халықаралық беделіміздің дағдарыста сыналуы сөз болды.

Еліміздің 22 жылда айтарлықтай жеткен жетістіктеріміз сараланып, әлем алдындағы беделіміздің асқақтағаны айқындалды. 1997 жылғы жолданған «Қазақстан – 2030» стратегиясының 16 жыл ішінде мақсат міндеттерінің орындалуы қорытындыланды. Ендігі біздің нақты мақсатымыз – 2050 жылға қарай әлемнің аса дамыған 30 мемлекетінің қатарына қосылу, деп атап өтті Қазақстан басшысы. Бұл үшін бізде барлық мүмкіндіктер: ресурстар, білімді адамдар, жұдырықтай жұмылған ұлт бар, деді Елбасымыз.

Әңгімелесейік:

Елбасы мынаны баса айтты: «Қазақстандағы қоғамдық келісім, ең алдымен, қазақтың келісімі екендігін мықтап есте сақтаған абзал. Қазақтың ынтымағы мен бірлігі мықты болмайынша, мемлекеттің тұтастық келбетін сақтау мүмкін емес». Ендеше, Ассамблея – барша қазақстандықтың мүддесі! - деген болатын.

Біз: «Мен – қазақстандықпын, өз елімде мен үшін барлық есік ашық!» – деп айта алатын әділетті қоғам құрып жатырмыз.

Бүгінде біздің азаматтар үшін барлық есік, барлық мүмкіндік, барлық жол ашық.

Біз көппіз және бәріміз – бір Елміз, бір халықпыз. Өз еліне пайдасын тигізу, өз Отанының тағдырына жауапты болу – әрбір жауапты саясаткер үшін, әрбір қазақстандық үшін парыз және абырой. Біз бірлік пен татулық құндылықтарын қоғамның іргетасына, қазақстандық ерекше толеранттылықтың негізіне айналдырдық.

Тыныштық сәті.

Балалар! Жайғасып отырыңдар. Бүгінгі бейбіт, бақытты күнге жеткенімізге Тәуелсіздік жолында қаза тапқан отандастарымыздың арқасында екенін ұмытпайық. Ішімізден оларға рахметімізді айтып жүрейік. Басымызға қауіп төнген сәтте бір – бірімізге көмекке келуге дайын екенімізді айтайық.

Жүректен жүрекке.

Барлығымыз шеңберге тұрайық, қолымызды қатты ұстайық.

Достық тату өмірге,

Дүние жүзі сенеді.

Соғыс өртін өшірсе,

Бейбітшілік жеңеді!

1. Біз көпші және бәріміз – бір Елміз, бір халықпыз.

2. Бейбіт күндегі белестерді бағындырып, алдағы сындардан сүрінбей өтеріміз, ең алдымен, өзімізге, бірлігіміз бен берекемізге байланысты.

3. Біз бәріміз бір атаның – қазақ халқының ұлымыз.

4. Бәріміздің де туған жеріміз біреу – ол қасиетті қазақ даласы.

5. Бұл дүниеде біздің бір ғана Отанымыз бар, ол – тәуелсіз Қазақстан.

6. Біз болашаққа көз тігіп, тәуелсіз елімізді «Мәңгілік Ел» етуді мұрат қылдық.

Ән: Көк тудың желбірегені. (тыңдалады)

Бір ата, бір ананың түлегіміз

Бір болсын қайда жүрсек тілегіміз

« Бірлік барда тірлік бар » деген бабам

Бірлік деп бірге соқсын жүрегіміз!

III-Қорытындылау

Мен 21-ғасыр Қазақстанның «алтын ғасыры» боларына сенемін.

Бұл бейбітшіліктің, тұрақтылық пен гүлденудің ғасыры болады.

Қазақстан халқы ұлы тарихтың иесі атануға лайық.

Біз көздеген мақсатымызға міндетті түрде жетеміз.

Аңсарлы азаттығымыз бен тәу етер тәуелсіздігіміз баянды болсын!

Мәңгілік Ел болу жолындағы ұлы істеріміз жаңа дәуірлерге жол ашсын! -

деген елбасымыздың қорытынды сөзімен сабағымды аяқтаймын

қатысқандарыңыз үшін рахмет!